

西南卷



地

方

志

人

物

傳

記

國家圖書館編

資料叢刊

國家圖書館出版社

【西南卷】

第四〇冊

地方志人物傳記資料叢刊

國

家

圖

常州大學圖書館
藏書章

編



國家圖書館出版社

鄭賢書等修 張森楷纂

「民國」新修合川縣志八十三卷
(四)

民國十一年(1922)刻本

第四〇冊目錄

〔民國〕新修合川縣志八十三卷(四) 鄭賢書等修 張

森楷纂 民國十一年(1922)刻本

傳二(二).....	一
鄉賢四.....	一
鄉賢五.....	九三
鄉賢六.....	一三五
鄉賢七.....	一七七
鄉賢八.....	一二五
傳三.....	一二七
列女一.....	二三七

列女二.....	三〇五
列女三.....	三九七
列女四.....	四二九
列女五.....	四三九
傳四.....	四四九
方術.....	四四九
傳五.....	五二七
流寓.....	五二七

傳二

民國新修合川縣志卷之二十九

邑人張森楷學

鄉賢四

苟雲龍字乘萬州西里白沙場人先世由江南來合占籍于渠江右岸之十二門數傳至其祖三省中嘉靖乙卯舉人父鳳陽登某年拔萃科充選生雲龍少承父業以州學附生食餼于庠後遭張獻忠亂攜家避地遵義府遵義縣之高坪場艱難拮据并營耕讀清定鼎後合州族人完一以小艇來迎還里○森楷案遵義不通舟楫安得小艇來迎此疑非事實姑從原文時舊有田宅已爲楚來客民所佔領向索不還欲訟無據頗難爲情適閒步墟墓間見廢塚中有素紙一角如新出土者發視之朱墨宛然故苟氏田宅契也蓋前避難時倉卒出亡或瘞此而忘之如蕉鹿然則爲時固已久矣至是得之大喜以呈于官乃得光復舊物一如其初雲龍爲人性剛果耐勤勞嘗課子讀書偶情立批其頰耳爲龔三日其竄居川黔間採栗拾橡露宿風食少暇卽緝隨身書籍讀之子金薇侍行亦令同溫習如平日則嗜學如命而造次必于是顛沛必於是耳特蜀亂後平科舉尤

遲竟不及試而卒呼金薇謂之曰子遭際坎坷不得展素志汝能讀成吾志吾無憾矣年五十七時康熙十一年也墓在州西北十五里之柴家溝獅子岡又百三十年其曾孫桓等以土邱纍纍日就荒蕪乃重加修砌而銘之曰惟山崔嵬不崩不騫蔚羅松柏鸞鳳來旋衿帶曲水旣清且漣蛟靈起伏春露秋烟祖塋纍纍于茲百年形化而神聚兮乘雲氣以往還明德之後嶽降多賢俾爾子孫翼翼綿綿讀其書田其田更千秋而萬葉兮肅將乎豆邊桓雲龍子金奎孫也金奎歲貢生其兄金薇舉人金薇桓並自有傳

荀氏族譜安居王汝璧荀乘萬墓表西里采訪員投稿

王永富州永里南津街人嘉慶二十年壽登百齡張乃孚爲序其事曰先君子方崖公自乾隆辛巳成進士歸選人格舉比合宗書院者十餘年予幼隨侍左右讀書得見隣街永富王翁時相往還翁營貨殖至晚每以豚肩相遺而緩其值視先君笑曰割肉一方歸遺細君可矣先君曰過屠門而大嚼不給于鮮奈何往往戲謔以爲樂蓋翁襟懷磊落隱身屠狗殆古所謂夷門監者流耶惜無人識之者而先君獨器重之歲庚戌甲寅予疊主合宗講席與翁一牆之隔不相聞問時翁年已七十

餘矣因哭子喪明後得識翁之幼子朝佐性情瀟灑不拘小節然見尊長秩秩然交朋輩侃侃然未嘗不慶翁之得有賢嗣也嘉慶乙亥春朝佐來告曰家君明年壽屆期頤里中紳耆公舉建坊願得先生作啟上聞得邀寵錫感且不朽予聞之躍然而喜曰本朝定鼎二百餘年吾合壽登百歲者不數數觀誠昇平之人瑞也遂聞之當事踰年龍章下賁賜銀緞如例建坊於南津之通衢重慶太守林勉齋先生賜額曰大行重周珂里榮之今冬十月朔有二日爲翁誕辰及門譚生符瑞爲翁弟永貴公之所自出丐予爲文以壽生之言曰翁原籍廣東南海人年未舞勺卽從其尊甫尙理公泛宅於吳越齊魯秦楚燕趙之間艱險備嘗年十六始由秦入蜀寓居果州以打魚爲業未幾尙理公下世家赤貧衣衾棺槨一無所措弱母幼弟朝夕待哺親朋絕少無有拯其窮乏者遂沿江捕魚一晝夜得巨魚無算售錢若干得成喪禮安葬北山之陽服闋奉母遷居於合之南津街忽天賜金穴權子母置屋產不數年稱素豐焉娶史氏先翁卒子六朝佐行居五所存者暨第六子餘皆不祿弟永貴卽生之外祖也翁撫之成立授室同居自幼至老友愛不倦其

天性然也永貴性豪放縱飲好博人或以爲翁慮而翁聽其揮霍亦先翁卒由是家道中落絕無怨言事母盡孝出告反面率以爲常稍有過失則必長跪榻前至更闌不敢懈俟母色霽乃起及母病親侍湯藥母卽安臥亦不敢離必待疾愈而後乃安母卒喪葬盡禮廬墓三年每出遊攜錢數百凡鰥寡孤獨無不周濟每歲如之至今卑田院中猶有能言其事者譚生之言如此予早識翁豪邁高爽固非碌碌於庸眾中而不虞翁之爲人內敦孝友外行仁義以勤儉起家以慷慨濟物有爲士大夫之所難者視彼薄其天倫擁財自封或汲汲於世或蜉蝣以生何啻霄壤然後知翁之獲魚獲金壽滿百齡實天之所以報其德至若餌朮餐芝妄稱綺皓安常守拙壽延三老此益養生家言而非翁壽之所自來故不之及永富又二年卒享年百有二歲今南津街猶有其昇平

人瑞坊

點紅萬綠山房文集
永里采訪員投稿

馮良弼字達仕州西里沙魚橋人先世居廣安州明末亂離轉徙涪州良弼祖耀祖于康熙初始遷沙魚橋之柿子溝居焉耀祖性長厚每歲穫時輒張蓋行烈日中巡視田畝見佃戶刈稻則以溫語拊循之命家

人攜茶具及畢羅蔬菜粥飯等物以慰勞老稚工作輩遇春日問田家有食費否有穀種否皆一一爲之計時兵燹甫平草昧初闢插業受糧耕牛缺乏佃工或用四人抬犁艱苦倍常耀祖見之喟然曰牛之不可已也如是夫夫以人代牛然後見牛力之大我後世子孫有食牛犬肉者非吾子孫也以後相傳不食牛犬肉者四世耀祖生際泰卽良弼父也基宇始擴家益偁盛良弼繼之一從忠厚乾隆四十八年卒年四十四既歿之二十六年良弼子鎮巒請其座師某爲其墓誌銘曰嘉慶戊辰予以瓊州守晉秩觀察予告歸養里中孝廉馮子遠邨壬子典試蜀闈所得士也時來京赴禮部試以大挑二等得銓教職遠致書於蓋邑並附事狀請爲贈公誌其墓遠邨自癸丑謁予京邸醕謹厚重長於詩古文詞已心儀其爲人今且十六載矣書中眷念之情與自叙遭逢款曲周詳如親雅抱知其本於家庭訓迪者深固予所樂道不厭者也遂詮次而歸之按狀贈公父際泰喜與一時文士相往來花木園林之盛甲於里中公辨色承顏無不曲當意旨際泰公晚年得歎嚏之疾每秋冬徹夜無眠鼻齁齁作鋸木聲不能就枕公以身承其背俾長坐寢次

一夕獲稍安際泰感之曰若善事我願他年孫輩之類若也後際泰公就木之年自冬徂春如是者凡三閱月人以爲苦公不自知其爲苦也每出必告以歸期親申中有強留之者變色絕裾以去人疑其不近情而不知恐際泰公間望難安此意公未與人言在人亦鮮有知之者其事伯兄遠邨書中自謂不忍言遂不錄然其大約可以想見儉於自奉飲食衣服皆崇尚古樸而於貧苦無告輩遇新舊穀未接時負擔至廩前取斗自量以去不必先聞及西成後或酬或不酬積書紙券尺許久亦焚之公歿後村氓里老言及輒泣下曰世不少富人未有如公體恤人情慷慨市義者尤急人之急下戶貧乏間給牛種俾之一家飽煖有姜姓以女許佃人呂某呂貧不能娶姜欲悔親公給兩家穀若干石遂得嫁娶成禮延及子孫不妄取人分毫見童稚拾物於道叱使還之否則令人置故處宗族繁衍每歲燔祭集一家少長作家範十餘條教以孝弟忠信崇本務實之道是日講說之中有能勤苦具資本丐公執掌者代權子母數年後償以多金往往由此起家兼講計然之術行商居賈百凡生理牢盤握算罔不洞悉幾微所得不貲閭閻有負公財者約

數千不等公亦不以爲意也生平惟喜讀書人間某姓有佳子弟稱頗不啻若自其口於遠邨師友往來尊之禮之宿儒朱修武公家兩世師也晚年罷館不能治生迎奉里中待以舉火訓遠邨尤勤曉之大義每就傅歸來閉一樓中不令外干一事暮雨晨雞書聲達於里閭至今遠邨聲名遠播學有本源公之殫思畢慮者爲已久矣遠邨遭逢未罄所學而惓惓於先世隱德惟恐湮沒其宅心有不同於流俗者故約舉平生爲之銘曰生有令德歿銘其幽更千秋與萬世識野王之故里而爲東漢篤行長者之豐邱實鎮巒所自爲詞也雖導揚先德不無掄揚而尙不失之誣故具節錄之

晴雲山房文集紅槧
山房筆記森楷附記

陳國泰名以學以字行州西里太平場人父大造乾隆乙卯科武舉國泰席父業便弓馬一試卽入武庠乾隆中知州吳涓齡委國泰簡馬數百匹於口齒唇髻鞞中身中一一得其骨相人以伯樂稱之而國泰若漠然也者嘉慶元年秀山苗叛州牧龔公素重國泰廉明委督運糧萬斛至官軍營故事運者多有浮徵浪支妄立名目爲私橐地而水陸轉輸雇役食用沈失欺蔽之耗不與焉國泰一矯其弊絲豪無侵隱其明

年白蓮教匪煽亂楚蜀蔓延於吾鄉國泰奉大憲檄帥義勇萬餘渡渠河倉卒與賊遇走馬嶺顧所部未及前謀引去伏放生橋堂狙其隙而乘之適國泰從兄以臺至躍馬馳衝賊陣發鎗斃賊先鋒眾潰事聞於總戎給六品職銜俟叙用國泰歸功其兄固辭不受已而賊大至焚掠縱恣勢甚猖獗時王師尚未赴也州人謀禦城守以國泰清正多材羣推總理軍需局事凡泉刀出入以鉅萬計國泰矢於眾曰設有攘奪及侵漁者以賊匪罪坐誅眾服其無私彌敬畏之賊既遁國泰知其禍未已率族人倡捐千金築保全寨又庀團練嚴保甲製戎兵務爲常變足恃不肩肩於目前苟安計於是賊不設復窺其境里之耆黎婦孺見聞者與不見聞者皆曰此陳君力也國泰軀幹魁梧雄傑聲若洪鐘不獨其智勇有過人者某年國泰年六十舉人張乃孚爲序其事曰從古豪傑卓然自立必具剛強不屈之氣而輔以忍能有濟之識上之爲朝廷建功業靖邊陲次亦不失爲瑰奇磊落之士造福一鄉聲施後世其志足以貫金石質鬼神不必徵壽於天而自無不得蓋其所賦者厚而其所保者全也今如國泰封翁有足多者焉君原籍關中上洛代有簪

纓由先世遷蜀家於合之太平場百餘年弟兄三人雁行居次尊甫靜庵公中乾隆中武魁不求仕進碩德耆年爲鄉里所重以壽考終母王太孺人先卒繼母吳太孺人事之維謹因秉家風入武庠以教習爲事三弟國祥生負權奇姿出繼長房君不異視盡心指畫中庚子科武舉凡入省赴京兆皆親身護其行前娶龔宜人無出次娶姚越癸卯龔姚各舉丈夫子一長龔出卽今武科進士重齋也姚共舉子四瑤環瑜珥稱其佳兒者也伯兄國亨卒乏嗣君爲立繼撫之如一性端嚴能肩大事乾隆間西藏用兵羽檄交馳當事先後延辦軍務多所倚賴以君司管鑰入局日偕眾對神盟誓一以秉公奉上爲心州人感其誠踴躍輸納而猾吏無從上下其手故軍需爲蜀中稱最嘉慶元年秀山苗不靖大兵進剿徵糧於州刺史龔稼堂先生素耳君名委之解糧萬斛由渝江運至大營往返五閱月厯盡艱險較前運者減費千餘金刺史以此愈奇君二年丁巳達匪跳梁州奉憲檄練團堵禦君先帥義勇數千人據廣岳形勝之地躬爲防守時得以不遭蹂躪者君力爲多三年戊午賊竄入州明東君復合廣岳合定四邑團勇萬餘渡渠江與賊戰走馬

嶺克之追數十里賊傾巢出戰各團潰敗君與堂弟武庠以臺單騎拒於放生橋瞑目持戈賊疑有伏且畏其勇數鞭馬不進謂君得神助遂遁去諸團獲全師而返後賊猖獗焚掠場鎮君挈家入城守護又與閩族倡捐千金修築保全寨爲鄉人避難處僉謂今而後莫予毒也已君不習陰符而頗能用兵不甚讀書而持論暗與古合使其寄軍政假節鉞其功名豈出班定遠狄武襄下哉平居不輕然諾謙抑自下里中事有不決得君一言而斷其教督子弟維嚴一歸禮法長嗣重齋年甫弱冠卽入武庠旋於甲子乙丑聯捷成進士親挈入都往來燕雲薊樹間諸郎美秀而文各習文武業將來可成大器積德食報不得之於其身而得之於其子者正未有艾歟早歲支持家務纖悉弗遺遇冠婚喪祭之費無慮數十次皆一手經營不豐不儉人咸取則焉初頗嗜酒繼奉尊人戒白晝涓滴不入於口夜則侍吳太孺人飲捧觴上壽叙天倫樂事數十年如一日秉氣素強耐勞苦至老而精力不衰語曰仁者壽詩曰黃耆鮐背此其驗耶嘉平之月爲君懸弧辰龔同登花甲姚亦屆五袞諸親友製錦稱觴君以吳太孺人壽享大耋正萊衣戲綵之時故不

敢辭徵序於余余與君肺腑親幼時登堂得悉一家孝友融融怡怡有
太邱元季之風姑婦妯娌閒無詬諍聲知後必有興者君雖未展其用
而爲國家任儲運之勞爲桑梓衛患難之急其所以自樹與壽於世者
爲何如也第祝嘏諛詞不足相恩惟舉生平有快事者三敬爲君述之
當拒賊橋頭時幾瀕於危矣而奮不顧身賊驚以遁得以護眾生還此
其一也當爲浮一大白夫人足不出閭巷名不顯鄉國沒沒終身者多
矣而君以偕弟與子入京師者再渡黃河者四瞻皇都之壯麗識關河
之險隘以及下彝陵過武昌弔英風於采石訪故友於金陵益以開拓
心胸激宕豪氣此又其一也當爲浮一大白君少習武事未擢一第頗
以爲憾然天賜麟種遂號家駒穿楊百步驚人一鳴此日少年白面他
時閫外將軍榮膺封誥指顧可期此又其一也當爲浮一大白有此三
快以介六袞君雖禁酒自必掀髯大笑呼客痛飲唐人詩云一日須傾
三百杯知者當不河漢斯言又■年國泰卒葬馬鞍山下鶴子林宅右
其子鈔爲之誌結無銘生卒娶葬不書旣葬之九十餘年碑且剝矣族
孫陳澤民爲敦本堂族譜復修理而補訂之曰公曾祖諱花明貴州指

揮使卽吾陳氏由陝西遷蜀合州始祖也祖諱御道考諱簾舉人配龔氏姚氏雷氏子五鎰嘉慶乙丑科進士仕廣西撫標左營守備鑒武學生鈔文學生鏌鎰女一適士族孫十四人孫女十二人澤民乃其從兄以智公之來孫也銘曰先祖勦業四世彌昌誰其健者武毅贍贍昔歲在辰新壠一方厥子他山刻識幽藏馬鞍之峯封面騰驤護茲貞魄燁燁其光曾不百齡石泐苔荒後來者責慨當以懔追鑄此詞以奠茫茫千秋宰樹終焉允臧修譜事在光緒宣統之間今猶未刊行也

陳氏敦本堂族

諸點紅萬緣山房文集

孔殿元州西里馬頭溪人嘉慶某年年七十馮鎮巒爲之序曰維古明德之後必生達人道義之交有踰骨肉故從來大聖大賢近有聞於時遠有垂於後沿及子孫無問遐邇親疎窮達顯晦必樂爲之師友於其間此中投契之故有不知所以然而然者太史公謂適魯觀至聖廟堂車服禮器尙低徊留之不能去况里黨嫺懿先聖之後近在目前實有平生之好者乎平橋殿元孔翁吾先師孔子六十八世孫也前明恭閔帝時有希瑤者由魯入蜀卜宅鄰水我朝康熙間由鄰遷合祖名尙文

落業平礪綿瓊以及於翁蓋已數世矣翁學未卒業隱於醫生平無奇節異行表表於世然性醅謹忠厚兼好施與凡藥物湯茗多圭製以濟貧苦夏月煮茗於道用飲行人其他濟困扶危之事俱不吝多金噫懿行若此雖文采聲華無所著於世可謂無忝厥祖者歟予嘗博觀載籍每怪聖人之後不生聖人幾疑尼山發祥而後有所間歇又怪秦漢以來太傅孔光北海孔融勛伐文章震疊一時其出處進退之際有未可盡言者泊乎國朝草昧之初平南王有德爲開國元勳至今山東諸孔諸牒不載豈以其重若彼其輕若此無亦聖人之後固有所以爲輕重者而不在名位之赫弈歟我朝尊師重道軼於前代凡孔氏之散布天下者例給奉祀生除正供外一切夫役雜稅俱予優免而合定兩邑之間惟翁家更爲殷富詩禮門庭不愧其先此必實有能克白樹立而非第攀附遙遙華冒者乎因憶今春三月子赴試禮闈號舍中得遇孔君繼業年甫弱冠已登賢書同輩皆以世兄稱之因自言往歲同衍聖公來京師以七品服行釋奠禮於成均無少長環向傾聽樂聞不厭夫以東西南北之人聚處棘闈尊之若師友親之若骨肉惟我先師教澤之